

*Jej jokwe ilo jikin
ko roktak iturājet
in laḷ in, bōtaab
eñjake kō ad rej
āinwōt juon ilo an
tampeḷ ko ekkal ilo
ijo epaake kōj!*



Eta in Rachel. Ij jokwe epaake Paris France Tampeḷ eo.

Tampeḷ eo ej lukkuun in aorōk n̄an baamḷe eo aō. Mōkta j̄an an Paris Tampeḷ eo kar ekkal, kōm kōn ilōk ilo tūreep ko an baamḷe n̄an Frankfrut Germany Tampeḷ eo jejo iien juon iio. Eaar bōk 10 awa ko in ettōr ilo wa etal im itok!

Kōmij iakwe alooje tampeḷ eo ekāāl kar kalōke. Kajjojoj wiik ālkin jar, ro jinem im jemam kar ettōr iturinḷok n̄an am lo ekōjkan an ekkal eo kar kōmḷan. Mōktata raar rupe inḷwe eo eḷoor im kūbwij juon roñ eḷap. Innām raar jino kalōk tampeḷ eo eutieḷok im utieḷok. Ejjab to m̄weo imōn Irooj eaar pād ijo!

Ajri ro jeiū im jatū rej lukkuun laudiñdīn n̄an etal n̄an tampeḷ eo juon raan. Leddik eo jeiū erūtto tata, kōn menin eo ej inḷaan tata enaaj peptaij. Kōmij aolep ilo ellowetak kōttar iien eo am n̄an ilōk barāinwōt. Kōmij iakwe tampeḷ eo im m̄ōñōñō bwe ewōr juon ilo lukkuun jikin kweilōk eo am make!

Jān Paris n̄an Sapporo

Jān intōrpiu ko jān Amie Leavitt, Utah USA.



*Jikinwe ko Rerrō-
lol ilo Paris France
Temple*



*Tōma in jiliñ eo ej etoto
ilo celestial ruum̄ eo an
Sapporo Japan Temple*



Etan in Koshi. Ij jokwe epaake Sapporo Japan Tampeḷ eo. Ij iakwe jijet iturin juon wintō ilo mweo imō im alooje an tampeḷ eo ekkal.

Ilo iien kōppeḷḷoke m̄weo n̄an alooje, Ikar karuwainene-ik eo m̄ōtta emḷan n̄an itok ippām. Eaar ḷōmḷak aolep men raar aiboojoj.

Ij kōḷaan ḷōmḷak kōn iien aje tampeḷ eo āinwōt iien ḷotak eo an. Raan eo eaar barāinwōt raan in ḷotak eo aō. Im barāinwōt an Būreejtōn Monson! Ro jinō im jema im n̄a kar pād ilowaan tampeḷ eo ke eaar aje.

Ij kanooj kamoolol n̄an jokwe epaake tampeḷ eo. N̄e ewōr raan ko reppen n̄an n̄a ilo jikuul, imaroñ etetal ilo meḷan ko an ilo iaḷ eo aō n̄an m̄weo imō. Ij eñjake iakwe eo an Jema n̄an n̄a n̄e ij pād ijo. Ij reimāanḷok n̄an iien eo imaroñ deḷōne n̄an kōmḷmani peptaij ko im tok ālkin m̄are ijo. ■